

Broj: 01-654-2/19

Datum, 30.12.2019. godine

Na osnovu člana 64. stav (1) tačka a) i člana 70. st.1., 3. i 6. Zakona o javnim nabavkama („Sl. glasnik BiH“, broj 39/14) i člana 108. Pravilnika o radu JU osnovna škola „Grbavica II“ Sarajevo, na Preporuku Komisije za javnu nabavku broj: 01-654-1/19 od 30.12.2019. godine, u postupku javne nabavke Usluga dostavljanja pripremljene hrane (*catering*) u škole (JRJN-55524000-9), direktor škole donosi

ODLUKU

o izboru najpovoljnijeg ponuđača u postupku javne nabavke usluga dostavljanja pripremljene hrane (*catering*) u škole

Član 1.

Prihvata se Preporuka Komisije za javne nabavke, broj: 01-654-1/19 od 30.12.2019. godine i ugovor za javnu nabavku dodjeljuje ponuđaču „MBA-CENTAR“ doo Sarajevo, ponuda broj: 01-653-1/19 od 30.12.2019. godine, za ponudenu cijenu od **91.770,00 KM bez PDV-a**, odnosno 107.370,90 KM sa PDV-om.

Član 2.

Odluka stupa na snagu danom donošenja i objavit će se na web stranici škole, te se dostavlja svim ponuđačima koji su učestvovali u postupku javne nabavke, shodno članu 70. stav (6) i članu 71. stav (2) Zakona o javnim nabavkama.

Obrazloženje

JU Osnovna škola „Grbavica II“ Sarajevo je Odlukom o pokretanju postupka javne nabavke broj: 01-610-1/19 od 09.12.2019. godine pokrenula postupak javne nabavke usluga dostavljanja pripremljene hrane (*catering*) u škole putem otvorenog postupka za dostavu ponuda, objavljenog na Portalu javnih nabavki dana 09.12.2019. godine Obavijest broj: 3074-1-2-241-3-1/19 i u Službenom glasniku BiH broj: 81/2019 od 13.12.2019. godine.

Procijenjena vrijednost javne nabavke bez PDV-a je 91 770,00 KM.

Komisija za javnu nabavku imenovana je Odlukom broj: 01-510-1/19 od 26.09.2019. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda – 2 ponude;
- da su blagovremeno zaprimljene - 2 ponude;
- da nije bilo neblagovremeno zaprimljenih ponuda;
- da je broj prihvatljivih ponuda - 1 ponuda;

Škola je u predviđenom roku zaprimila 2 blagovremene ponude od sljedećih ponuđača:

- „**ECOVISION**“ doo Sarajevo, cijena ponude od **90.677,50 KM bez PDV-a**
- „**MBA-CENTAR**“ doo Sarajevo, cijena ponude od **91.770,00 KM bez PDV-a**

Prilikom ocjene ponuda Komisija za javnu nabavku usluga dostavljanja pripremljene hrane (*catering*) u škole, utrdila je da je ponuda „MBA-CENTAR“ doo Sarajevo blagovremena, uredna i potpuna te dala Preporuku broj: 01-654-1/19 od 30.12.2019. godine da se se ugovor za javnu nabavku Usluga dostavljanja pripremljene hrane (*catering*) u škole dodijeli ponuđaču „MBA-CENTAR“ doo Sarajevo ponuda broj: 01-653-1/19 od 30.12.2019. godine, za ponudenu cijenu od 91.770,00 KM bez PDV-a, 107.370,90 KM sa PDV-om.

Komisija je prilikom uvida u ponudu „ECOVISION“ doo Sarajevo, konstatovala da navedeni ponuđač ne ispunjava uslove iz tačke 3.10 Tenderske dokumentacije, odnosno ne ispunjava uslove Tehničke i profesionalne sposobnosti, što je ustanovljeno uvidom u dostavljene dokaze predviđene tačkom 3.11 alineja a).

Naime u tenderskoj dokumentaciji tačka 3.10, predviđeno je da je ponuđač dužan dokazati da je u protekloj kalendarskoj godini kao glavni dobavljač uspješno izvršio ugovore koji su u vezi sa predmetnom nabavkom (Usluge dostavljanja pripremljene hrane (*catering*) u škole) i to najmanje zbirno 91.770,00 KM bez PDV-a. U svrhu dokazivanja činjenica navedenih u tački 3.10, ponuđač je dužan dostaviti potvrde (orginal ili ovjerena kopija) od strane ugovornih organa sa kojima je ponuđač sklopio ugovor a koji su realizovani u prethodnoj kalendarskoj godini sa nazivom i sjedištem ugovornih organa ili privrednih subjekata, predmetom ugovora, vrijednostima, vremenu i mjestu izvršenja kao dokaz da je dobavljač uspješno izvršio, ugovore koji su u vezi sa predmetnom nabavkom (Usluge dostavljanja pripremljene hrane (*catering*) u škole) i to najmanje zbirno 91.770,00 KM bez PDV-a.

Uvidom u Obrazac potvrde o uredno izvršenim ugovorima, strana 28. ponude ponuđača „ECOVISION“ doo Sarajevo, vidljivo je da je u 2018. godini od navedenih izvršenih ugovora sa 10 ugovornih organa, sa 6 škola uspješno izvršio ugovore koji su u vezi sa predmetnom nabavkom (Usluge dostavljanja pripremljene hrane (catering) u škole).

Shodno navedenom Komisija je uvidom u iznose naznačene na Obrascu potvrde o uredno izvršenim ugovorima, utvrdila da nije ispunjen navedeni uslov, odnosno nije dokazano da je dobavljač uspješno izvršio ugovore koji su u vezi sa predmetnom nabavkom (Usluge dostavljanja pripremljene hrane (catering) u škole) i to najmanje zbirno 91.770,00 KM bez PDV-a, pa je utvrđeno da je ponuda navedenog ponuđača neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka direktor škole nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim i internim aktima i tenderskom dokumentacijom.


Iz navedenih razloga, primjenom člana 64. stava (1) tačka a) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba ugovornom organu u pisanoj formi najkasnije u roku od 10 (deset) dana od dana prijema ove odluke.

Dostaviti:

- 1x ECOVISION doo Sarajevo
- 1x MBA-CENTAR doo Sarajevo
- 1x Web stranica škole
- 1x a/a



Direktor škole
[Redacted Signature]
Sabahudin-Dino Bakal, prof.